

# **BAB 1**

## **LATARBELAKANG**

## BAB 1

### LATARBELAKANG

#### 1.1 Pengenalan

Bab ini menerangkan tentang Latarbelakang Kajian, Objektif Kajian, Skop Kajian dan Signifikan Kajian. Di akhir bab ini akan menggariskan keseluruhan organisasi kajian yang akan dilaksanakan.

#### 1.2 Latarbelakang Kajian

Dasar Pertahanan Negara telah menggariskan sasaran untuk mencapai kekuatan anggota Sukarela dengan nisbah 1:3, bermaksud setiap seorang anggota tetap bersamaan dengan 3 anggota Sukarela. Kemampuan kekuatan keseluruhan anggota sukarela menjadi persoalan bagi setiap pemimpin atasan, ini adalah kerana kekuatan yang sedia ada tidak menunjukkan kekuatan yang sebenar. Kejadian ini berlaku disebabkan dikalangan Askar Wataniah terdapat anggota yang aktif dan tidak aktif. Perkara ini dikenalpasti melalui pemerhatian oleh pihak atasan keatas kehadiran anggota-anggota sukarela semasa menjalani beberapa siri latihan di pasukan-pasukan Rejimen Siri 500. Ini telah memberi kesan yang negatif diatas keberkesanan sesuatu latihan dan ianya tidak mencapai objektif yang telah digariskan.

Dasar Pertahanan Negara juga telah sedikit sebanyak memberi kesan dalam penglibatan mereka bagi mencapai matlamat penubuhan Askar Wataniah. Oleh yang demikian, Jabatanarah Askar Wataniah perlulah membuat kajian yang teliti bagi mengenalpasti keupayaan Askar Wataniah yang sedia ada sekarang mampu menambah besar Angkatan Tetap. Bagi merealisasikan kehendak Jabatanarah Askar Wataniah, maka kajian ini akan memberi tumpuan keatas kemampuan Askar Wataniah dari segi kekuatan keanggotaan bagi

menambah besar ('Augment') Angkatan Tetap berpandukan kepada kekuatan yang sedia ada.

### 1.3 **Objektif Kajian.**

Kajian ini adalah untuk mengenalpasti Kemampuan Askar Wataniah Menambah Besar('Augment') Angkatan Tetap. Objektif kajian adalah seperti berikut:

Mengenalpasti samada Dasar dan Polisi mempengaruhi Kemampuan Askar Wataniah bagi Menambah Besar Angkatan Tetap.

Mengenalpasti samada Pengurusan Sumber Manusia memberi kesan kepada Kemampuan Askar Wataniah bagi Menambah Besar Angkatan Tetap.

Mengenalpasti samada Latihan memberi kesan kepada Kemampuan Askar Wataniah bagi Menambah Besar Angkatan Tetap.

Mengenalpasti samada Logistik dan Elaun memberi kesan kepada Kemampuan Askar Wataniah bagi Menambah Besar Angkatan Tetap.

### 1.4 **Skop Kajian**

Kajian ini memerlukan fakta-fakta sampingan dan beberapa variasi dalam menyumbang hasil kajian nanti. Pada keseluruhan skop kajian tertumpu kepada kekuatan Askar Wataniah masakini. Berdasarkan fakta di atas kajian ini hanya difokuskan kepada skop berikut:

Faktor kekuatan anggota Infantri Askar Wataniah yang terdapat masa kini dalam organisasi pasukan siri 500 dan 300 Askar Wataniah.

Faktor kekuatan anggota Infantri Askar Wataniah yang aktif dan tidak aktif semasa menghadiri diri untuk latihan.

Tumpuan juga diberikan kepada polisi dan dasar yang sedia ada masih boleh diguna pakai bagi mencapai matlamat yang telah digariskan.

Kajian akan ditumpukan keatas pegawai dan anggota Askar Wataniah yang berpangkat Prebet hingga ke pangkat Mejar. Kawasan kajian adalah disekitar pasukan Askar Wataniah dibawah pemerintahan Markas 2 Briged (Negeri Perak) dan pegawai-pegawai staf yang bertugas di Bahagian Pasukan Simpanan, Markas Tentera Darat.

### 1.5 **Signifikan Kajian**

Kajian ini pada keseluruhan dapat memberi manfaat kepada pasukan Askar Wataniah bagi mengenal pasti perkara-perkara seperti berikut:

Penemuan kajian ini membolehkan pengurusan Askar Wataniah mengenal pasti samada kekuatan yang sedia ada, mampu menambah besar ('Augment') Angkatan Tetap sebagaimana yang telah ditetapkan oleh Dasar Pertahanan Negara.

Kajian ini juga akan dapat di jadikan panduan dan rujukan bagi pihak pengurusan tertinggi di dalam merangka polisi-polisi berkaitan aspek pengurusan dan fungsi organisasi.

Kajian ini juga di percayai dapat di jadikan sebagai input kepada kajian yang akan datang dalam usaha untuk mengenalpasti kemampuan Askar Wataniah bagi menambah besar ('Augment') Angkatan Tetap dalam aspek lain.

Hasil kajian ini kelak akan membolehkan pihak pengurusan membuat penyesuaian di mana perlu bagi mengatasi kelemahan yang dikenal pasti. Disamping itu mengambil pendekatan yang positif bagi mengatasi masalah agar mencapai matlamat Askar Wataniah yang telah digariskan.

## 1.6 Organisasi Kajian

Kajian ini mengandungi bab-bab seperti berikut:

**Bab 2: Kajian Lepas Yang Berkaitan.** Bab ini menjelaskan kajian-kajian terdahulu yang telah dibuat berkaitan dengan permasalahan dan keputusan serta cadangan untuk kajian akan datang. Ianya juga menerangkan dasar dan polisi yang sedia ada disamping menjelaskan sejarah, peranan, tugas dan kekuatan Askar Wataniah masa kini.

**Bab 3: Methodologi Kajian.** Dalam bab ini akan memperjelaskan bagaimana kajian dijalankan, limitasi yang dihadapi, proses menganalisis data, skel dan skor.

**Bab 4: Analisa Data dan Penemuan Kajian.** Bab ini akan menganalisa keputusan-keputusan soalselidik yang diterjemahkan oleh SPSS bagi mendapatkan keputusan kajian.

**Bab 5: Kesimpulan dan Perbincangan.** Segala penemuan akan dijelaskan dan diperbandingkan dengan penemuan teori-teori yang lepas serta kajian-kajian yang berkaitan. Kajian seterusnya akan merumuskan penemuan kajian yang boleh dijadikan panduan untuk tujuan pengurusan pasukan Askar Wataniah.

## 1.7 Ringkasan Bab

Secara keseluruhannya bab ini menerangkan tujuan dan objektif kajian ini dilaksanakan disamping itu bab ini juga memperjelaskan bentuk kajian yang dilaksanakan agar hasil kajian ini kelak akan memberi maklumat yang jelas bagi pihak tertentu membuat keputusan untuk mengatasi permasalahan yang timbul.